

NY TENY FIAINANA

"Raha mandray ny fanambaran'ny olona isika, lehibe lavitra ny fanambaran'Andriamanitra; fa ny fanambaran'Andriamanitra dia ny nanambarany ny Zanany."

I Jaona 5:9

1/2-DALANA "ORANGE PRO-LEAGUE 2022-2023"

Mahagaga tsy nisalotra ny ankanjo "orange" ny Fosa Juniors

L avon'ny ekipan'ny Fosa Juniors Fc Bony tamin'ny isa 3-1, ny ekipan'ny Ajesaia Bongolava, tamin'ny alahady 11 jona 2023 teo, tetsy amin'ny kianja "Elgeco Plus Stadium By-Pass", teo amin'ny ankatoky ny famaranana mandrosy ny fifaninanana "Orange Pro-League 2022-2023 (baolina tafiditr'i Vève (16') sy Dax (43') ary Andry Max (68")) no niantoka an'io fandre-sen'ny Fosa Juniors Fc an'ny Ajesaia io, izay nampiditra ny baolina to-kana azony teo amin'ny 90' tamin'ny alalan'i Feno. Tsara toerana araka izany



Fosa Juniors Fc tetsy amin'ny By- Pass tamin'ny alahady.

ity ekipan'ny Fosa Juniors ity eo amin'izay mety hia-karana any amin'ny lalao famaranana, fa nandresy an-tanin'olona tamin'io lalao io. Tamin'ny sabotsy

11 jona 2023 kosa tany amin'ny kianja "Barikadimy Stadium Toamasina" dia nisaraka ady sahady 0-0 ny ekipan'ny As Fanalamanga Alaotra Mangoro

sy ny Cosfa Football Analamanga. Marihana manokana fa tsy nianjaika ny ankanjo volon-doranjy mahazatra azy ireo mpilalaoan'ny Fosa Juniors nandritra an'io ankatoky ny famaranana tetsy amin'ny By-Pass io ary ireo mpomba azy izay marobe foana aza no tonga manokana avy any Mahajanga dia tsy sahy nandrahindra ihany koa ny sainan'ity klioba ity miloko "orange" toy ny nahazatra hatramin'izay n'aiza n'aiza hilalaovan'ny ekipany. Mahagaga !

Rainilita

Basket N1B Hommes Morondava 2023

Ny Sbbc Boeny hatreto no nampidi-baolina be indrindra

Nanomboka tamin'ny sabotsy 10 jona 2023 lasa teo tany Morondava, ny fifaninanam-pirenenena fiadiana ny ho tompon-dakan'i Madagasikara 2023, eo amin'ny taranja Basiketany baolina sokajy N1B lehilahy, izay marihana fa tsy hifarana raha tsy amin'ny faha-18 jona 2023 ho avy izao. Nisongadina teo amin'ny fahazoana isa be indrindra nandritra an'ireo andro roa voalohany (sabotsy 10 sy alahady 11 jona 2023) ny ekipan'ny Sbbc Boeny raha nihaona tamin'ny Serasera Vakinankaratra. Voka-dalao



Basket N1B tany Morondava.

andro voalohany sabotsy 10 jona 2023 : As Victoire Boeny (32) - (49) Ass Me-

nabe, Génération Me-nabe (40) - (35) Bcr Analamanga, Bc Somava

Sava (48) - (39) Bc Est Atsimo Andrefana. Vokadalaom-pirahalahiana natao tamin'ity "Festival" ity : Ftm Manjakaray 30 - 21 Tam Anosibe, Makis 2012 (36) - (30) Rcts Soavimasoaandro, Makis Madagascar (57) - (22) Sélection Réunionnaise .

Rainilita

Festival des Rugbys 2023

Azo antoka ny taninketsan'ny rugby eto Madagasikara

Azo antoka ny taninketsan'ny rugby eto Madagasikara, raha ny fampisehoana nataon'ireo ankizy misehatra sy mianatra an'ity taranja ity hatrany Toliara, ka hatraty Antananarivo, nasehoan'izy ireo tetsy amin'ny kianja Makis Andohatapenaka, nandritra ny hetsika "Festival des Rugbys 2023", nokarakarain'ny Malagasy Rugby sy ny Ambasadin'i Frantsa eto Madagasikara niaraka, tamin'ny alahady 11 jona 2023 lasa teo no asian-teny. Anisan'ny antony iray nampisehoana tamin'io "Festival des Rugbys 2023" io izany tranangan-javatra iray izany, hoy ny filohan'ny Malagasy Rugby, Rakotomalala Marcel, teny amin



Festival des Rugby tetsy Andohatapenaka.

'ny kianja Makis tamin'io andro ary antony iray hafatena nikarakaran'ny Ambasadin'i Frantsa azy ity koa, ny fampahafantarany ireo, fa horaisin'ity firenena ity ny fiadiana ny amboara eran-tany amin'ny rugby à XV amin'ny volana septambra sy oktobra 2023 ho avy izao.

Fantatry ry zareo Frantsay ihany koa ny fandrosoan'ity taranja rugby ity eto Madagasikara, hoy hatrany ity filohan'ny FMR ity, ka antony iray namporisika an-dry zareo hikarakara an'ity hetsika ity koa izany, satria i Madagasikara ankehitriny no firenena voalohany aty amin'

ny kaontinanta Afrikana miteny Frantsy eo amin'ity sehatry ny rugby ity. Farany dia nentina ihany koa nanamafisana ny fiaraha-miasa matotra eo amin'ny Ambasadin'i Frantsa sy ny Rugby Malagasy iny hetsika iny. Marihana fa mpikambana maro avy amin'ny fitondram-panjakana Malagasy sy avy amin'ny Ambasadin'i Frantsa, no nantona an'ity hetsika ity. Voka-dalaom-pirahalahiana natao tamin'ity "Festival" ity : Ftm Manjakaray 30 - 21 Tam Anosibe, Makis 2012 (36) - (30) Rcts Soavimasoaandro, Makis Madagascar (57) - (22) Sélection Réunionnaise .

Rainilita

Sakafo My Valosoa



Henomby sy anandrano indray, no laoka amin'ny Sakafo eto amin'ny gazetinao androany. Hatao ket-saketsa izany, na hatao rony. Dia mazotoa homana tompoko.

NY VALOSOA sy Mahaso

Fanafana natoraly amin'ny aretimpo

Fanafana natoraly amin'ny aretimpo indray, no Mahaso eto amin'ny gazetinao androany. Makà tavoahangy dia asio hoditr' akondro dia hasio ranovelona na Eau Vive na Cristalline na Olympiko. Avela hilona ao 3 andro dia amin'ny faha-4 andro vao mifoha, misotro 1 vera . Atao mandritra ny herinandro.



NY VALOSOA sy Mahaliana

Ny tanànan'i Saivaza distrikan' Antanambao Manampontsy faritra Atsinanana

Ny tanànan'i Saivaza distrikan'Antanambao Manampontsy faritra Atsinanana indray, no Mahaliana eto amin'ny gazetinao androany. Renivohitry ny kaominina Saivaza ity tanàna ity, iray amin'ireo kaominina miisa 5 mandritra ny distrikan'Antanambao Manampontsy. Vokatra any ny vary, ny kafe, ny voankazo toy ny soanambo, ny letchi, ny manga, ny ampalibe.

